

استبصار

نومرو ۲۳

بخشیه

۱۹ شباط ۱۳۲۴

بوهفته ظرفنده اناطولیدن آنان خبرلرده اولدجه نظر احميته آلتغه شایاندره.
 از جمله قیصری حادثه سنک احميته مبنی آتقره والیسنک فرقه عسکریه قوماندانی
 توکیل ایله قیصریه به عزیمت ایلمش اولدینی واوراجه حکومت قوناغنه هجوم و متصرفی
 اولدیرمه و مشروطیتی زیر وزیر ایتمه تشویق ایدن ارباب مفسدتك عبره
 لساثرین اشد مجازات ایله تأدیب ایدملرینک اهایلی طرفندن طلب ایدلمکده
 بولندینی و دیگر طرفدن هموند قباللندن برطاقم عشارک سلیمانیه شهرینی ابوقه
 ایتدکلی و شهر داخلنده خلقلک صوک درجهده غلیان و هیجانه کلهرک دکانلرینی
 قیادقلری و اوزرلرینه سوق ایدیلان مفرزه نك اشقیادن بر قسمنه تصادف ایدرک
 وقوعبولان مصادمهده جمیتلرینک تارومار ایدلدیکی و مدینه جوارنده ابن رشید
 ایله ابن سعود بیننده یکیدن بر مصادمه وقوعه کلهرک ابن سعودک تلفات کلیه ایله
 هزیمته دوچار اولدینی خبر آلتشدیر. بو عشاراسکان ایدیلوبده تمدنه آلتشدرلمازسه
 بویکی اویغونسز احوالک اوکنی آلتق قابل اوله میه جینی و بونک ایسه خیلی زمانه
 متوقف بولنه جینی بدیهیدر .

ابراهیم احسان

اجمال خارجی

حکومت عثمانیه ایله آوستریا آره سنده تقرر ایدن ائتلافنامه کچن هفته
 دیدیکمز وجهله جمعه کونی صدراعظم و خارجیه ناظری وکیلی غابرییل افندی
 حضرتلری ایله مارکی دوپالوینچی طرفلرندن امضا اولنشدیر. در سعادت غزتلری
 بوسنه وهرسک قطعهلری اوزرندهکی حقوق حکمرانی عثمانینک آوستریا دولته
 دور و ترکینی متضمن اولان بو وثیقہی ویا نه جرائندن اقتباس ایدرک ستونلرینه
 کچریدیلر . دولت علیه - آوستریا پروتقولی و ثابق تاریخیه میاننده اخذ موقع
 ایده جکی ایچون وقوعات سیاسیہ نك تسلسله بر معکس صادق اولمق اوزره
 یازیلان « استشاره » اجماللری صره سنده مذکور پروتقولی عیناً درج ایتمکی
 لازمدهن^۱ عد ایتمکده ایسه کده صحتی مشکوک اولان نشریات مذکوریه استناد

ایده‌چک برده حکومتی طرفین صورت رسمیده تبلیغه انتظار ایتمکی مرجح کورپوز . پروتقول مندرجاتی حقنده بیان مطالعانه احتیاج مس ایدرسه یونلری ده انظار قارینه پروتقول ایله برابر عرض ایده‌چکر . شمدیدن دیه‌چکر بر جهت وار ایسه اوده دولنک اوستریا ایله پیدای ائتلاف ایتمک سایه‌سند غوائل خارجی مزک برینی امکان مرتبه‌سند محافظه حیثیت ایدرک رفع و ازاله به موفق اولمش اولمسیدر . بوسنه و هرسک مسئله سی معلق بولندیقه اوستریا حکومتی دولت علیه به ظهیر اوله مزیدی ، شمدی ایسه مسائل سائره‌نک حلی امرنده حکومت مشارالیه‌نک جزئی کلی مضامرتی طوقونه‌یلور .

بلغارستان ایله اولان اختلافنک ، بدلت ائتلاف اولسی یولنده کچن هفته دینری جای تذکار بر خطوه آندامشدر . غزیه‌لرک بو باده کی سکوتسندن استدلال اولندیغه کوره بومشله‌نک ده حلی ایچون خارجی ناظری رفعت پاشا حاضر تلیرنک پترسبورغه مواصلته انتظار اولنقدیده در . اول و آخر تخمین اولندینی اوزره دولت عثمانیه ایله — بلغارستان آره‌سند کی اختلافنک فصل و جسمی هر ایکی جهندن تکلیف اولنان تعویضات مالیه بیننده کی فرق ازاله‌سنه متوقف بولندینی ، بلغار قراللغنک تصدیق حقنده اساساً بر اختلاف اولدینی ، و روسیه‌نک تکلیف معلومی فرق مذکوری خیلیدن خلی تقلیل ایتمکی جهتلیله عثمانی — بلغار اختلافنک ده ایرکچ تسویه‌یزیر اوله جفنه شبهه ایدیه‌مز . عالم مطبوعاتک بو مسئله ایله عدم توغلی بلکه بو اطمینانندن منبعثدر . فی الحقیقه ارتق دولت علیه‌نک ویا بلغارستانک تدارکات حربیه‌سندن برخطره ظهوری احتمالی حقنده حرف واحد سولیمز اولدی . قالدی که بوهفته سرزده ظهور اولان بر خیلی وقوعات مهمه انظاردقی عثمانی و بلغار اختلافندن غیری احوال ایله اشتغال ایتمکه سوق ایلمشدر . اوستریا — صربستان مناسباتی پک وخیم بررنک کسب ایتمش ، روسیه حکومتک صربستانی الزام ایدرکی کورنمی بووخامتی برقاندها آرتدرمشیدی . اودرجه‌ده کی بو حکومتلر آره‌سند بر محاربه ظهورینه رمق قالدینی فکری هر طرفده تعیم ایتمشیدی . بتون اوروپا بورسه‌لرنده فوندولرک اوغرا دینی تدنی فیات بو یوزدن

متولد اندیشه لرك اك صاغلام بردليدير . مع هذا بو اندیشه لرك زياده اوستريا
 و صربستان آرمند بر محاربه ظهور ايتمى احتمالن دن دكل ، روسيه نك طور و حركتى
 سوقيله نأرة حربك بك بيوك براستعداد توسع كوسترمسندن ايلرو كليوردى .
 فى الحقيقه روسيه ايله اوستريا مناسبانى ده كندكجه كر كينه شيور ، كر كينك آرتدجه
 بر فورطنه قويا جغندن قورقيليوردى . بو تقديرده ايسه المانيا دخى اوستريا ايله
 موجود اتفاق معا هدمامسى احكامنجه متفقنك ياردمنه شتاب ايده جك ايدى .
 الحاصل اوروپا بيسوك بر صدمه و اغرايه جق ايدى . اشته بو احتمالك اذهان
 عموميه ايراث ايلديكى خوف و هراس سوقيله دركه بتون اوروپا حكومتانى
 اوستريا و صربستان اختلافنك ازاله سى چارمنه عاجلاً توسل اولمنسه قرار
 و برديلر . حكومتلر بو قرارى بالسوهله اتخاذ ايده بيلديسه لرده اجراءات جهق
 خيلى مشكلانه اوغرايدى . روسيه حكومتى بلغرادده اجرا قلنه جق وصايلك ويانه ده
 دخى ايفاسنه لزوم كوستربوردى اوستريا ايسه برسنه و هر سلك الحاقى يوزندن
 صربستانك بر كونا ضرر و زيان اوغرامديغنى ، بناءً عليه تعويضات طلبنه
 حقى اولمديغنى ، و صربستانه اوسترياجه بعض فوائد اقتصاديه تأمين اولنه جنى
 وعد اولندقدن صكره دخى صربليار ك صلح و مسالمتى تهديد ايده بيله جك احوال
 و حركانده دوام ايتمى تجويز ايده بيله ميه جكنى ، و الحاصل اوستريا حكومتى بو خصوصه
 غايت معتدلانه طاور انمش اولوب بوندن فضله مماشات كوسترمسى ده عديم الامكان
 اولديغندن كندى نزدنده تشبثات اجراسىنى تضمن ايده بيله جك هيچ بر سوزه
 حواله سمع اعتبار ايده ميه جكنى بيان ايندى . المانيا حكومتى ده بو فكرده بولونيور ،
 اوستريايه تشميل اولنه جق تشبثانه اشتراك ايده ميه جكنى اعلام ايليوردى . روسيه
 ايسه ويانه ده ايفاي وصايا قالمق سز بن بلغرادده يابيله جق تشبثانه بناشعماق ايسته يور
 ايدى كه احواله و خامت و ير زده بو تفاوت افكار ايدى . فرانسه حكومتنك بو خصوصه
 دخى خيلى هممات مشكلات بر اندازانه سى كورلديكنى ذكر ايتك لازمه دندر .
 حكومت مشارالها بو مسئله ده المانيا نك اوستريا متفقى حقنده كوسترديكى مظاهره
 نوفي ق حركت ايدرك روس نظريه سنك ترويجى جهتنه كيده بيلور ايكن صرب

مطالبی سببیه بیوک برغانه ظهوری منع ایچون بویوله صامدی؛ بالعکس روسیه حکومتک صرب مطالبی هرچه باد آباد مدافعه ایتمکه عنزم ایتمکی تقدیرده فرانسه نك بی طرف قاله جغفی اتیان ایتمدی. جریان احوالک کنه و سرارینه واقف بولماقله برابر دیه بیلورزله روسیه حکومتک تعدیل حرکتته اک زیاده فرانسه نك بویاناتی باعث اولمش، و صایای دوله نك یالکیز بلغراده حصر ایلمسی خصوصنده حصولی قوه قریبه به کلن ائتلاف دولی الحق بوسایده دأره امکانه کیرمشدر.

شمعدیلک بولتلاف ايجاب ایتمیره چکی تشبثاتک صورت اجرایی ایله حاصل ایلمه چکی تأثیراته انتظار ایده جکیز. هر حالده صرب بیلرک اوروپا دولترینک عنزم قویسی مواجهه سنده طریق سام مسالنه کیره جگفی تخمین ایتمک بیوک براندیشلکه محتاج دکادر!

هفته نك وقوعات ساره مهمه سی میانشده خارجه ناظر لاحق رفعت پاشا حضر تلیرنک و یانه به مواصلتی ذکر ایتمک لازمه دندر. اوستریا مطبوعاتی انقلاب اخیر مزدن اعتباراً بوسنه و هر سکا الحقی زمانه قدر حق مزده کوسه تردکاری مآثر اخلاص و مخادتی بومناسه بته تکرار ایتمیلر. امپراطور فرانسوا ژوزف دخی ناظر مشارالیه ایله ملاقات ایدرک بومأ نری تأیید ایتمدی. اوستریا حکومتی اختلاف متجددک حلی اوزرینه قومشوسی دولت عثمانیه حقه ده کی خلوص و مودتک دلائل فعلیه سی اراز ایده چکی بولنده کی مواعیدک سختی بو وجهله اثبانه کیرشدی دیکدر.

بروتقول مندر جاتک تعلق ایلمدی خصوصاً بونحول مسلیک آثار جدیدیه سی کورمک ایستیه جکمز بدیه اتندندر.

انقلاب مسعودمز عقینده روسیه نك دولت عثمانیه حقه ده جدا آثار مخادنت کوسترمش اولدینی البت خاطر لرده در. روسیه حکومتی ایله افکار عمومیه نك مرآت امکاسی اولان «نووییه وره میا» غزته سی روسیه ایله دولت عثمانیه آره سنده کی مناسباتک آرتق ردوره وفاق و موده کیرمسی زمانی حلول ایتمکی بک واضح برلسان ایله در میان ایدور، بومسرو داتی کون کچه مدن تأیید ایلیدوردی.

بوتمايلا نك زواله بوزطو تدینی ادعا اولنه مزایسه ده حكومت مشارالیه انك هر حاله
 بالقان پولتیقه سنده جای تذکار بر تبدل وقوعه كلدیكى آرتق آثاریه نابتدر .
 بز بوبایدكى محسوساتمزی برقاج هفته اول ینه بو حقیقه لرده تشریح ایتش ایدك .
 پرنس فردیناندك تصدیق قرالیتی دولترجه برصورت تسویه به اقتران ایتماش
 اولدینی حاله مشارالیه پترسبورغده قرالره لایق مراسم ایله قبول ایدلمش اولسی
 محسوساتمزی مؤید دلائلك برنجیسی تشکیل ایتدی . شمعی ایسه دلائل سارمسی
 کورمکده بز . چار نيقولا حضرتلرینك اسم کوننه مصادف اولان يوم مخصوصده
 صوفیه ده کی روس قونسلوسخانه سنك معبندنه اجرای آیین اولنورایکن قونسلوس
 پرنس فردیناندك نه قرال ونه ده پرنس نامیله یاد ایدلماسنی تأمیناً آیینی اجرا ایدن پاپاسه
 پرنس نامنه اوقونمسی معتاد اولان دعادن صرف نظر ایلمسی توصیه ایتش ،
 وبو حالك فرقه وارن بلغار نظاری قونسلوسخانه دن انفعال ایله چیقمشلردی .
 حالبوکه شمعی پرنسك يوم مخصوصده عینی قونسلوس بیوك اونیفورمه سی
 لابس اوله رق آیینده حاضر بولونیور ، پرنسك قرال نامیله تکرار علی التکرار
 یاد ایدلمسنه شاهد اولیور . یالکز بوقدرده دکل . روسیه مأمورینك اثرینه اتباعاً
 صرب قونسلوسی دخی آیین مذکورده بولنق کبی برجمیله کوستریور . بو حاللر
 روسیه نك بالقان شبه جزیره سنده اعاده نفوذ ایتك ایچون بالقان حكومات
 صغیره سنه خوش کورنمك ایستدیكنی ایا ایدر . بومیلان جدید ایستر پانسلاویسم
 طرفدارانك الحاح و ابرامی ایله ، ایستروسیه حكومتك احتیاجات حاضره سی ایله
 حصوله كلش اولسون هر حاله جای دقتدر . روسیه حكومتی بالقانلرده کی اسلاو
 حكومتلرینی توحیده وبونلر ایله دولت عثمانیه آره سنده نوعاً براتفاق عقد
 ایدلمسنه سعی ایده جنکی اولجه بیان ایتش بولندینی ایچون بوبیانانك آثار فعلیه سی
 اكا کوره تلقی ایده بیلور ایسه کده بادی قناعت واطمئنان دلائل قویه به دسترس
 اولمدقه نيك پینلك کوسترلامك ده قواعد حزم و احتیاط مقتضیاتنددر بوقواعده
 عدم رعایت باعث غفلت اولور .